
СЕНАТ ИШЧИ ГУРУХИ ФАРГОНАДА ИНВЕСТИЦИЯ ЛОЙИХАЛАРИ, ТАДБИРКОРЛИКНИ РИВОЖЛАНТИРИШ БОРАСИДА ОЛИБ БОРИЛАЁТГАН ИШЛАР БҮЙИЧА ЎРГАНИШ БОШЛАДИ

Бугун вилоят ҳокимлигининг кичик мажлислар залида Олий Мажлис Сенати ишчи гурухининг ийғилиши бўлиб ўтди. Унда Фарғонада инвестиция лойиҳаларини амалга ошириш ҳамда тадбиркорликни ривожлантириш борасида олиб борилаётган ишларни комплекс равишда ўрганиш масаласи кун тартибида бўлди.

Ийғилишда Сенатнинг маҳаллий ҳокимият вакиллик органлари фаолиятини кучайтиришга кўмаклашувчи комиссияси раиси, ишчи гурухи раҳбари Толибжон Мадумаров, вилоят ҳокимининг ўринбосари Иқболжон Эргашев, мутасадди идора ва ташкилотлар масъуллари, шаҳар-туман инвестициялар ва ташқи савдо бўлими бошлиқлари қатнашди.

Сўз олганлар 2021 йил ҳамда жорий йилнинг биринчи ярим йиллиги якунига кўра, иқтисодий натижалари, экспорт кўрсаткичлари, инвестициявий жозибадорлиги, иш ўринларини яратиш бўйича Фарғона вилояти Республика миёсида иккинчи, айрим йўналишларда эса биринчи ўринда эканлигини алоҳида қайд этдилар.

Фарғонанинг бошқа вилоятларга намуна бўладиган жиҳатлари борлигига эътибор қаратган ишчи гурухи раҳбари Толибжон Мадумаров, вилоядта 90 тадан зиёд кичик саноат зоналари, 600 мингдан ортиқ тадбиркорлик субъектлари мавжудлигини таъкидлади. Амалга оширилган ишлар жойига чиқиб ўрганилиб, ишчи гурухи ҳудудларда ҳоким ёрдамчилари фаолиятига ҳам баҳо беришини айтиб ўтди.

Шунингдек, Республика даражасида ечим топиши керак бўлган муаммолар, Сенат ишчи гурухининг ўрганиш ишлари якунлари Олий Мажлис Сенатининг ялпи мажлиси муҳокамасига қўйилиши маълум қилинди.

Сенат ишчи гурухи аъзолари таништирилиб, бир ҳафта давомида олиб борилиши керак бўлган вазифалар келишиб олинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-09-19 20:57:48